

**Ministarstvo za rad, socijalnu politiku,
raseljena lica i izbjeglice Kantona Sarajevo**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21), ministrica za rad, socijalnu politiku, raseljena lica i izbjeglice Kantona Sarajevo, donosi

**PRAVILNIK
O DOPUNAMA PRAVILNIKA O OBILJEŽAVANJU
"DJEČIJE NEDJELJE" U KANTONU SARAJEVO**

Član 1.

(Novi član 3 a.)

U Pravilniku o obilježavanju "Dječije nedjelje" u Kantonu Sarajevo ("Službene novine Kantona Sarajevo", br. 1/19, 37/20 i 38/21) (u daljem tekstu: Pravilnik), iza člana 3. dodaje se novi član 3 a. koji glasi:

"Član 3 a.

(Odluka o "Dječijoj nedjelji" za 2022. godinu)

Izuzetno od odredbi Pravilnika, zbog okolnosti uzrokovanih bolešću SARS-CoV-2, način obilježavanja "Dječije nedjelje" u Kantonu Sarajevo za 2022. godinu, urediće se Odlukom o obilježavanju "Dječije nedjelje" u Kantonu Sarajevo za 2022. godinu koju će donijeti ministrica za rad, socijalnu politiku, raseljena lica i izbjeglice Kantona Sarajevo, na osnovu koje će se na web stranici Ministarstva za rad, socijalnu politiku, raseljena lica i izbjeglice Kantona Sarajevo i u jednom dnevnom listu objaviti Javni poziv za obilježavanje "Dječije nedjelje" u Kantonu Sarajevo za 2022. godinu."

Član 2.

(Dopuna člana 5.)

U članu 5. iza riječi: "pravna", dodaju se riječi: "i fizička".

Član 3.

(Stupanje na snagu i prestanak važenja)

Ovaj pravilnik stupa na snagu danom donošenja i naknadno će se objaviti u "Službenim novinama Kantona Sarajevo", a primjenjuje se do 31.12.2022. godine, kada prestaje njegovo važenje.

Broj 13-02/1-31-30364/22

19. augusta 2022. godine

Sarajevo

Ministrica

Ivana Prvulović, s. r.

OPĆINA CENTAR**Općinski načelnik**

Na osnovu člana 69. Statuta Općine Centar Sarajevo, Prečišćeni tekst ("Službene novine Kantona Sarajevo", broj 23/04) i člana 24. i 26. Odluke o izvršavanju Budžeta Općine Centar Sarajevo za 2022. godinu ("Službene novine Kantona Sarajevo", broj 5/22 i 20/22), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015. godine), Općinski načelnik donosi

ZAKLJUČAK

Raspoređuju se sredstva tekuće rezerve iz Budžeta Općine Centar Sarajevo za 2022. godinu u iznosu KM 1.000,00 na ekonomski kod 614300, funkciju 0810, fond 012, projekt TP9-1 za realizaciju sportske manifestacije "Strongman Liga Šampiona (SCL)".

Navedeni projekat Udruženja "Snagator" predstavlja niz Grand Prix takmičenja, koja se realizuju u više zemalja svijeta tokom cijele godine, a završit će finalom za naslov prvaka ukupnom pobjedniku na kraju sezone. Navedeni događaj će imati i humanitarni karakter.

Transfer sredstava će se izvršiti na račun otvoren kod Raiffeisen Bank na ime Udruženja "Snagator", broj računa 1610000273150071.

Korisnik sredstava Udruženje "Snagator" je obavezan dostaviti Službi za obrazovanje, društvene djelatnosti, kulturu i sport Općine Centar Sarajevo detaljan izvještaj sa svom potrebnom dokumentacijom o namjenskom utrošku sredstava u roku od 30 dana od dana realizacije projekta, a najduže do 31.12.2022. godine.

Zadužuje se Služba za finansije Općine Centar Sarajevo za finansijsku realizaciju ovog zaključka.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 13-11-5120/22

11. augusta 2022. godine

Sarajevo

Općinski načelnik

Srđan Mandić, s. r.

Na osnovu člana 69. Statuta Općine Centar Sarajevo, Prečišćeni tekst ("Službene novine Kantona Sarajevo", broj 23/04) i člana 24. i 26. Odluke o izvršavanju Budžeta Općine Centar Sarajevo za 2022. godinu ("Službene novine Kantona Sarajevo", broj 05/22 i 20/22), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015. godine), općinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2022. godinu u iznosu 1.000,00 KM na ekonomski kod 614231-18, funkciju 1090, fond 012, projekt TP4-3 - urgentne socijalne pomoći korisniku Nurkić Ramizu na ime jednokratne novčane pomoći za troškove liječenja licu u stanju socijalne potrebe.

Transfer sredstava će se izvršiti na transakcijski račun korisnika.

Korisnik sredstava Nurkić Ramiz je obavezna dostaviti Službi za boračko-invalidsku i socijalnu zaštitu Općine Centar Sarajevo detaljan izvještaj sa svom potrebnom dokumentacijom o namjenskom utrošku sredstava u roku od 30 dana od dana realizacije projekta, a najkasnije do 31.12.2022. godine.

Zadužuje se Služba za finansije Općine Centar Sarajevo za finansijsku realizaciju ovog zaključka.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 09/11-5065/22

09. augusta 2022. godine

Sarajevo

Općinski načelnik

Srđan Mandić, s. r.

OPĆINA HADŽIĆI**Općinsko vijeće**

Na osnovu člana 2.15. stav (2) i (3) Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/2, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 24. Statuta Općine Hadžići ("Službene novine Kantona Sarajevo", broj 15/09, 17/12, 10/13 i 14/13 - Ispravka, 11/18 i 1/20), Općinsko vijeće Hadžići na 17. sjednici, održanoj dana 07.07.2022. godine, donosi